

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-105-7/21

Datum: 24.11.2021. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda **d o n o s i**

O D L U K U
o izboru najpovoljnijeg ponuđača
u postupku javne nabavke laboratorijskog materijala
za Lot 7 Standardne otopine

I

Prihvata se preporuka Komisije za nabavke broj 07-105-6/21 od 23.11.2021. godine i Ugovor o javnoj nabavci laboratorijskog materijala za **Lot 7 Standardne otopine** za potrebe Ugovornog organa dodjeljuje se ponuđaču **Kefo d.o.o. Istočno Sarajevo** ukupnom cijenom ponude od 2.508,41 KM sa PDV-om uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 10 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke laboratorijskog materijala putem konkurentskog zahtjeva za dostavljanje ponuda broj 07-99-2/21 od 19.10.2021. godine, za koji je objavljeno obavještenje na portalu javnih nabavki pod brojem 1247-7-1-268-3-8/21 dana 19.10.2021. godine, a na osnovu Odluke o pokretanju postupka javne nabavke laboratorijskog materijala 02-464-1/21 od 18.05.2021. godine. Poziv za učešće u postupku javne nabavke je upućen sljedećim ponuđačima: KEFO D.O.O. ISTOČNO SARAJEVO, SINEKS LABORATORIJA D.O.O BANJA LUKA, EUROLAB D.O.O. BIJELJINA, ENA D.O.O. SARAJEVO, SPEKTROLAB D.O.O. BANJA LUKA i BROMABEL D.O.O. BANJA LUKA. Tenderska dokumentacija je objavljena na portalu javnih nabavki i istu je preuzeo 21 potencijalni ponuđač.

Nabavka je podijeljena u devet (9) lotova i to:

Lot 1: ATCC sojevi

Lot 2: Serumi za mikrobiološki laboratorij

Lot 3: Gotove podloge

Lot 4: Dehidrirane podloge za mikrobiološki laboratorij

Lot 5: Laboratorijsko posuđe i pribor za mikrobiološki laboratorij

Lot 6: Membranski filtri

Lot 7: Standardne otopine

Lot 8: Laboratorijsko posuđe i pribor za hemijski laboratorij

Lot 9: Hemikalije za hemijski laboratorij

U roku za prijem ponuda za **Lot 7 Standardne otopine** pristigla je jedna ponuda ponuđača ponuđača Kefo d.o.o. Istočno Sarajevo. Komisija je konstatovala da je ponuda ponuđača Kefo d.o.o. Istočno Sarajevo blagovremena i ispravno zapečaćena, te da je zaprimljena ponuda ponuđača koji je preuzeo tendersku dokumentaciju sa Portala javnih nabavki i pristupila njenom otvaranju. Po završetku otvaranja zaprimljene ponude Komisija je

sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponudaču.

Prilikom pregleda ponude Komisija je konstatovala da ponuda ponuđača Kefo d.o.o. Istočno Sarajevo sadrži grešku računске prirode, a koja se odnosi na sljedeće:

- za stavku 6. čija je jedinična cijena bez PDV-a 362,79KM, ukupna cijena po stavkama bez PDV-a bi trebala da bude 725,58 KM, a kod ponuđača iznosi 362,79 KM.
- za stavku 7. čija je jedinična cijena bez PDV-a 16,90 KM, ukupna cijena po stavkama bez PDV-a bi trebala da bude 50,70 KM, a kod ponuđača iznosi 16,90 KM.
- za stavku 8. čija jedinična cijena bez PDV-a iznosi 25,56 KM, ukupna cijena po stavkama bez PDV-a treba da iznosi 76,68 KM, a kod ponuđača iznosi 25,56 KM.

Shodno navedenom, evidentna je greška računске prirode, jer nije pomnožena jedinična cijena sa količinom za navedene stavke, što dovodi do promjene i ukupne cijene ponude ponuđača Kefo d.o.o. Istočno Sarajevo, obzirom da je jedinična cijena bez PDV-a mjerodavna za obračun, tako da bi cijena ponude imenovanog ponuđača bez PDV-a trebala da iznosi 2.143,94 KM, a ne 1.696,23 KM, odnosno 2.508,41 KM sa PDV-om, a ne 1.984,57 KM.

Komisija je kontaktirala pomenutog ponuđača kako bi isti dostavio obrazloženje za uočenu računsku grešku. Ponuđač Kefo d.o.o. Istočno Sarajevo je dostavio obrazloženje u kojem se slaže sa uočenim greškama i konstatuje da su jedinične cijene date u ponudi mjerodavne i prihvata korekciju u skladu sa jediničnim cijenama datim u ponudi pa tako ukupna ponuda ponuđača Kefo d.o.o. Istočno Sarajevo sa uračunatim popustom i bez PDV-a iznosi 2.143,94 KM odnosno ukupan iznos ponude sa uračunatim popustom i PDV-om iznosi 2.508,41 KM.

Dana 23.11.2021. godine Komisija je nastavila sa pregledom i ocjenom zaprimljene ponude i konstatovala da je ponuda ponuđača Kefo d.o.o. Istočno Sarajevo u ukupnom iznosu od 2.143,94 KM bez PDV-a odnosno 2.508,41 KM sa PDV-om, kompletna i da ispunjava sve uslove postavljene tenderskom dokumentacijom, ali da je dostavljena u iznosu većem od procijenjene vrijednosti predviđene za predmetni lot.

Imajući u vidu da je za predmetni lot dostavljena jedna ponuda te da se e-aukcija, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego da se postupak okončava u skladu sa članom 69. Zakona, Komisija predlaže da se ponuda ponuđača Kefo d.o.o. Istočno Sarajevo, u ukupnom iznosu od 2.143,94 KM bez PDV-a odnosno 2.508,41 KM sa PDV-om prihvati, uz osiguranje razlike sredstava neophodnih za predmetnu nabavku, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

Dostaviti:

1. Ponuđaču
2. a/a

**VD DIREKTORA**
Dr.sci. Mulić Maida, van.prof.